



Na osnovu člana 22 Statuta Brčko distrikta Bosne i Hercegovine – prečišćeni tekst ("Službeni glasnik Brčko distrikta Bosne i Hercegovine", broj 2/10) Skupština Brčko distrikta Bosne i Hercegovine na 25. redovnoj sjednici održanoj 28. januara 2026. godine, usvaja

**ZAKON**  
**O IZMJENI I DOPUNAMA ZAKONA O VISOKOM OBRAZOVANJU**  
**U BRČKO DISTRIKTU BOSNE I HERCEGOVINE**

**Član 1**

U Zakonu o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj: 21/24 – prečišćen tekst), u članu 12 stavu 1 tačka d) mijenja se i glasi:

„d) donosi akt o proglašenju privatne visokoškolske ustanove i javne visokoškolske ustanove ili organizacione jedinice privatne ili javne visokoškolske ustanove od posebnog ili javnog interesa za Distrikt i daje saglasnost na ugovor između Distrikta i visokoškolske ustanove od posebnog ili javnog interesa za Distrikt;“.

**Član 2**

U članu 13 stavu 1 tačka d) mijenja se i glasi:

„ d) predlaže akt o proglašenju privatne visokoškolske ustanove i javne visokoškolske ustanove ili organizacione jedinice privatne ili javne visokoškolske ustanove od posebnog ili javnog interesa za Distrikt i potpisuje ugovor između Distrikta i visokoškolske ustanove od posebnog ili javnog interesa za Distrikt;“.

**Član 3**

U članu 14 stavu 1 tački e) briše se interpunkcijski znak tačka - zarez: „(;);“ i dodaju se riječi: „i rješenje kojim se rok važenja akreditacije može produžiti do okončanja započetog postupka akreditacije“.

**Član 4**

U članu 35 stavu 5 umjesto interpunkcijskog znaka tačka: „ (.)“ stavlja se interpunkcijski znak zarez „ (,)“ i dodaju se riječi: „izuzev u slučaju donošenja rješenja iz člana 14 stava 1 tačke e) i člana 35a zakona“.

## Član 5

Iza člana 35 dodaje se novi član 35a koji glasi:

„35a

(Rok u kojem se obavlja postupak akreditacije)

- (1) Postupak akreditacije se provodi u roku od najviše 12 mjeseci od dana sklapanja ugovora o akreditaciji između visokoškolske ustanove i Odjeljenja za obrazovanje, odnosno od dana imenovanja Komisije stručnjaka. Učesnici u postupku akreditacije dužni su uskladiti sve aktivnosti kako bi se poštovao navedeni rok.
- (2) Ukoliko se postupak akreditacije ne obavi u navedenom roku, rok se iz opravdanih razloga može produžiti najduže za 12 mjeseci, o čemu odlučuje Odjeljenje za obrazovanje.
- (3) Opravdanim razlozima, u kontekstu navedenog, mogu se smatrati:
  - a) nedostatak stručnjaka na Listi stručnjaka Agencije;
  - b) nemogućnost realizovanja posjete Komisije stručnjaka (odstupanje iz Komisije stručnjaka, vremenske nepogode);
  - c) pojava pandemije (mjere ograničenja kretanja);
  - d) različite vrste restriktivnih mjera donesene od strane nadležnih institucija, a koje mogu biti uzrokovane institucionalnim (sudskim) postupcima ili višom silom<sup>1</sup>.
- (4) Ukoliko se postupak akreditacije iz objektivnih razloga ne okonča u propisanom roku za one visokoškolske ustanove koje su prethodno prošle postupak akreditacije, Odjeljenje za obrazovanje može donijeti dopunsko rješenje u kojem se utvrđuje novi rok važenja akreditacije, a koji ne može biti duži od 18 mjeseci od isteka prethodne akreditacije, osim u slučaju kada se ustanovi u postupku izda pismo očekivanja gdje se rok dopunskog rješenja produžava do donošenja rješenja kojim će se postupak okončati.
- (5) Izuzetno, u slučaju da postupak akreditacije nije završen u navedenom roku a iz naročito opravdanih razloga Odjeljenje za obrazovanje može donijeti rješenje kojim se rok važenja akreditacije može produžiti do okončanja započetog postupka akreditacije.“

## Član 6

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-162/26  
Brčko, 28. 1. 2026. godine

**PREDSJEDNIK**  
**SKUPŠTINE BRČKO DISTRIKTA BiH**  
**Damir Bulčević, dipl. oec.**

---

<sup>1</sup> Višom silom se smatraju svi slučajevi, odnosno neočekivani događaji, na koje učesnici u postupku ne mogu svojim činjenjem ili nečinjenjem imati nikakvog uticaja